

22 Mei 2012

Wanita keldai dadah dibawa pulang

Oleh ROZIANAH RISMAN

pengarang@utusan.com.my



Muhd. Khairun Aseh (kanan) dan S. Devanathan (kiri) dan Bala Ganapathy pada sidang akhbar mengenai usaha untuk membawa pulang Punitha dari Peru di Pusat Dagangan Dunia Putra, Kuala Lumpur, semalam.

KUALA LUMPUR 21 Mei - Seorang wanita tempatan yang terpaksa meringkuk dalam penjara selama empat tahun di Peru kerana menjadi keldai dadah di negara itu, kini mampu menarik nafas lega apabila usahanya untuk pulang ke tanah air bakal menjadi kenyataan.

Dia yang hanya dikenali sebagai Punitha, 55, baru selesai menjalani perintah parol selama dua tahun di negara Amerika Selatan itu namun tidak dapat pulang ke Malaysia kerana tidak memiliki sebarang dokumen perjalanan.

Malah Punitha yang berasal dari Kuala Lumpur perlu meninggalkan negara tersebut sejak April lalu dan jika tidak, dia boleh dipenjarakan semula atas kesalahan tinggal secara haram di negara berkenaan.